

## 师说

韩愈

古之学者必有师。师者、所以传道受业解惑也。

说得师道如此郑重。一篇大纲领、具见于此。

人非生而

知之者、孰能无惑。惑而不从师、其为惑也、终不解矣。

紧承解惑说、下承传道说。

生乎

吾前、其闻道也、固先乎吾、吾从而师之。生乎吾后、其闻道也、亦

先乎吾、吾从而师之。吾师道也、夫庸知其年之先后生于吾乎。是故

无贵无贱、无长无少、道之所存、师之所存也。

道在即师在、是绝世议论。

嗟乎、师道之

不传也久矣、欲人之无惑也难矣。

忽作慨叹、若承若起、佳甚。

古之圣人、其出人也远矣。

犹且从师而问焉。今之众人、其下圣人也亦远矣、而耻学于师。是故

圣益圣、

古人。

愚益愚。

今人。

圣人之所以为圣、愚人之所以为愚、其皆出于

此乎。

此是高一等说话、翻前面人非生知之说。

爱其子、择师而教之。于其身也、则耻师焉、惑矣。

彼童子之师、授之书、而习其句读<sup>豆</sup>者也。非吾所谓传其道、解其惑者也。句读之不知、惑之不解、或师焉、或不<sup>否</sup>焉。小学而大遗、吾未见其明也。

童子句读之不知、则为之择师。其身惑之不解、则不择师。是学其小、而遗忘其大者、可谓不明也。○此就寻常话头、从容体出至情、其理明、其辞切。

巫医乐师百工之

人、不耻相师。士大夫之族、曰师曰弟子云者、则群聚而笑之。问之、

则曰彼与彼年相若也、道相似也、

有长有少矣。

位卑则足羞、官盛则近谀。

有贵有贱矣。呜

呼、师道之不复可知矣。

可为长太息。

巫医乐师百工之人、君子不齿。

齿、列也。

今其

智乃反不能及、其可怪也欤。

此与前论圣人且从师同意。前以至贵者形今人之不从师、此以至贱者形今人之不从师。反覆剧论、意甚切至。

圣人无常师、

孔子师郯

谈、

子、苌

长、

宏、

师襄、

老聃、

郯子之徒、

省句。

其贤不及孔子。

孔子询官名于郯子、访乐于苌宏、学琴于师襄、问礼于老聃。

孔子曰、三人行、则必有我师。

借孔子作证、取前圣人从师意。

是故弟子不必

不如师、师不必贤于弟子。闻道有先后、术业有专攻、如是而已。

收前吾师道意、完足。

李

氏子蟠、年十七、

蟠、贞元十九年进士。

好古文、六艺经传、皆通习之。不拘于时、学

于余。

异于今人。

余嘉其能行古道、

不异于古人。

作师说以贻之。

通篇只是吾师道也一句。言触处皆师、无论长幼贵贱、惟人自择。因借时人不肯从师、历引童子、巫医、孔子喻之。总是欲李氏子能自得师、不必谓公慨然以师道自任、而作此以倡后学也。